



序

少陵稱古今絕唱兼

衆美而總其成風雅

家蓋無異辭焉而或



魚片一
則以爲一篇之中工
拙相半學者往往得
其平慢之習抑又何
也豈猶所謂三百篇

之後不當更作四言
者非耶吾友車子敏
州有見於此盡焚棄
素所吟咏不存意興

所適則惟取杜句而
集之以見已意合諸
體得如干首嗚乎斯
亦卓矣或曰杜詩詩

史也集杜詩史詩也
然則自小樓而後爲
此者胡寥寥耶蓋子
美生平牢騷悲憤之

熊序三
氣無一不見之於詩
跡其風指固自有在
而吾敏州亦雅具奇
致又生長湖湘衡嶽

間彼夫美人香草洞
庭木葉之槩往往與
劍南草堂相似宜其
夔梓前後諸作若出

自吾敏州之肺腑而
忘乎其爲子美詩也
履善曰詩句自是人
情性中語特煩子美

先道耳予於敏州益
信

峇

康熙戊辰孟秋中浣

濃川熊賜履題



序

甚哉作者之難言也非有
天縱睿哲之資則不能作
非有天地未闡之秘則不

序一
必作坡記曰作者之謂聖
詎不信歟即如詩之一道
今之作者亦夥矣試問其
所作者如於昔人之作者

乎昔人云漢魏以下無文
章祇有添字換字之法夫
添字換字已非自家性情
乃相襲之久而添換者又

序二
不知幾經添換以至於今
竟無可添換矣尚得謂之
作乎不得謂之作即可以
不作何也蓋詩本乎情而

發乎境自有天地來月露
風雲山川名物境猶是也
而人同此心同此理情
亦猶是也李唐以詩取士

數百年中窮變探賾搜括
影肖為有未盡之情之境
乎歷趙宋迄于有明名人
輩出極乎一身之所閱歷

一心之所結構境對情生
未嘗留遺毫髮以待後人
之添換而後之人言人、殊
取昔人之句生吞活剝者

序四
無論已印間有另闢徑道
自為機軸成一家言者然
不過如烹飪然物料備具
歲調以宜亦是佳品而究

之能出昔人之範圍也耶
雖作者之聖古者其說不
可謂今無其人然而曠世
天挺必非尋常所以萬一

月五
也余十齡即解作詩句讀
之暇猶喜誦杜詩先人心
妨舉子業切戒止之改釋
褐見家昆輩時有吟咏不

覺技瘡集十數年幾至
千首同人謬為許可勸其
災幸偶一檢閱兄弟相顧
大嘆曰詩之一道真難言

序六
矣信偃磬牙坡為脫異則
失之杜撰步趨繩墨稍見
清新又失之勦襲一開口
一舉筆皆著人所已言者

尚恐言詩哉近年來改歛
棄此道絕口不言然未免
有情而境亦時相觸發與
其添換成章仍蹈窠臼不

若用其全句寫我性情於
是興之所至輒集杜句先
後共得各體詩若干首初
以無甚難事乃拈一題彈

精竭慮為之有得句而意
義不屬者有中相連而首
尾不相貫者有起結合拍
而用韻失粘或出一篇者

竟日不能成一首難則難
矣而杜撰勦襲之病豈知
免矣至其中不無率合假
扭而少忌諱要皆昔人之

詩于我無與也人當以漢
魏以下之視也我可已作
云乎哉

康熙己巳春王三月

敏州萬音書于懷園

之天放閣



懷園集杜詩目錄

南楚車萬育著

卷之一 五言古

春日呈熊敬修老師 念昔篇

尋李氏隱居 秋江懷曹子峨眉

假歸言懷 庭曉

喜雨 別離行

春仲同唐十翁訪張隱士兼以留別

采石懷古

石鐘山

岳陽

哭王子厚

旅次得家書

江亭獨坐

虎丘

邵戒三招泛西湖

潭州道中

長沙舟中憶唐魏子郭幼瑰

開福水閣同家昆季言懷

贈介庵禪師

南樓期潘鍊師不至

李蔚聞招同周令公陶五嶽諸子小集

憶游

郊外

卷之二

送劉侍御入朝

訪逆泉居士

寫懷

東劉掌科

春日喜晤吳中山于漢陽卽以送別

冬夜示兒子 二首

寄示銓彝諸姪

漫興

得得園納涼

春日遊吐秀巖

山中吟

飲陶處士齋

客村遣懷兼寄唐子

得得園同家昆曉山只山限韻

送人還白雲

得吳茂孫固原書

夜宿余田

衡陽道中遇故人

答孫樹庵

懷園自遣

古梅禪師從芙蓉來遊金陵喜贈

喜陳百是來白下

曹實庵見訪有贈

寄胡存人時以病乞休

懷園四首

石城曉發

過萊蕪贈別李肖巖內兄

卷之三

七言古

巖存庵過維揚飲百尺閣戲爲短歌送之

丁泰階先生新修岳麓書院成兼以志別

白雲巖

顧懿超舉子志喜

長沙行張元戎席間同王

先生作

江上逢故人

晚泊采石登翠螺

高樓放歌

君不見

對客書懷

松柏行寄壽唐欽翁

東蔣字臣孔卓

道林院老道士

二首

懷園卽事兼寄家昆曉山只山

同王澹石胡樸崖諸子泛舟桃葉渡

春日李君見過

壽王母夫人七十

送王巢西官睢州

鄧孝子

卷之四

五言律

掖垣候宴

立春前一日作

送遠

三首

郊外餞別友人歸越

月下贈友

把酒

梅影

雨後賞桂

聞鴈

熊蔚懷司馬見過對奕秋亭

送王醇叔歸養

病起同人茶話

高樓歸思

程梓園嚴方貽諸子過飲小齋

憶別

湯天若見過有贈

首春諸子小集

送友人游潭州

留別長安諸子

旅次書懷

舟次張秋同范小仲登岸眺遠

春江晚眺

送別任思庵太守

題江樓壁

陽九前送人歸楚

過新喻訪吳茂孫

秋齋同王頌侯夜話

贈別通家子謝生

方蒙章招飲秦淮

同胡樸崖伯仲家兄曉山登雨花臺

江干送友人之蜀

懷園雜詠 十七首

懷園秋興 四首

憶別唐十翁

雨止候月

句曲道中望茅山

雨花臺晚眺

除夕守歲示諸兒

元日同諸子賞雪

棲霞千佛嶺茶集

對鍾山

江上送別家仲兄只山兼懷兄弟

金陵呈王吳翁先生 卽事

卷之五

登假我臺同范小仲王頌侯四姪夏仲

憶游 客中對客

月夜有懷 二首 訪楚雲禪師于棲霞

龍潭道中感懷 理園 二首

紫竹林後閣 天放閣納涼 十首

懷友 過王吳翁先生書齋

將歸南楚有懷 二兄只山新築得得園

舟雨 秋興 十首

江上遇友同歸湖南 月夜與范小仲話別

晚登園閣 暮 二首

晴 丁卯立春日喜晴 二首

歸路 小孤舟中同汪枚階

舟次彭蠡寄懷熊蔚懷

舟過黃州有懷楊典謨年丈感寄以詩

武昌送別李明府

舟中感懷 二首

白雲閣後茶集

岳陽道中

春季送別汪枚階歸蒲潭

湖南諸執友先後零落撫今傷昔

二首

舟望

岳麓山代贈友

將抵里門

同諸子訪唐十翁

春莊雜感

憶園

偶成

二首

村行卽事

送友人下資江將遊芙蓉

秋林閒步

舟訪陳甥百是

醉後行吟

家園諸友話舊

客村漫興

野興 二首

月

倚杖

偶感

秋霽

寄省試諸子

卷之六 七言律

送謝瞻在入都兼寄同學諸子

登樓 送友人入潼關

春日寄懷胡念蒿 同吳茂孫小飲松下

花間小酌 小至懷人

柬友 書懷

偶感 四首 醉歌

江上 秋同何省齋游南郊

游王昊廬先生新構園亭感賦 二首

王擔人諸子過話 與唐十翁諸子話別

園居聞同里諸君考選之息志喜

舟過淮陰省家伯兄 江畔行吟

江樓秋燕 秋江漫興

還村 二首 家園卽事

得得園同仲兄作 秋日有懷吳茂孫

移居酬胡湘草

郊游卽事

秋感 二首

秋江同人小集

溪行有贈

無題

輓一庵上人

郊外喜遇友人留飲

江上送客

旅夜有懷

卷之七 五言絕

龍江里 二首

探梅

得故人書

怡齋

答唐十翁

花下

避暑

遣悶 四首

懷人 四首

涼夜

秋懷 八首

出郭 三首

早晴

晚歸

雙清亭 二首

尋菊

村 三首

九日 三首

題畫

旅夜

夜宿山寺

題隱士廬

舟中 四首

舟望

湖中

小孤 二首

懷園 十二首

江樓

憶舊

舟夜讀丁雁水新刻

放舟

雨中遲客

咏物 十二首

偶占

金山 三首

得得園 三首

絕句 八首

哭陳介眉 二首

卷之八 七言絕

出朝

詠古 三首

洞庭

江上

所見

春懷

春游 三首

落花 三首

客至 二首

喜晤王明府

贈人

遣興 三首

石凹古渡

山居

潤州江閣 二首

江邨

秋感 四首

所思 三首

卽事 二首

歸興 二首

望家書 二首

偶成 五首

題袁密山小像 一首

輓汪蛟門

寄友 二首

寄芙蓉古梅 二首

送友人入覲

寄十先弟

簡王雲壑 二首

病起視園

清溪曲 三首

湖堤

同熊蔚懷胡樸崖游牛首 二首

悼友 二首

口號

車中

懷園集杜詩卷之一

五言古

南楚車萬育著

春日呈熊敬修夫子

造化鍾神秀斯文起獲麟讀書破萬卷揮洒動
八垠勳業青名上行高無汚真趨庭赴北堂更
覺彩衣春門前百草長永懷待芳茵步履隨春
風自契魚水親竟日鶯相和好柳著行新花月

窮游宴對此融心神夫子歛通貴搯持郢匠斤
學業醕儒富傳經固絕倫嶷嶷瑚璉器青雲滿
後塵從公伏事久其樂難具陳北闕心常戀
敢忘帝力勤萬里車書通今皇德教淳明
明君臣契賢豪贊經綸濟世宜公等夔龍廊廟
珍霖雨思賢佐主恩視遇頻朝廷偏注意蒼
生倚大臣致君唐虞際騫飛報主身盛事傳不
朽如公復幾人

念昔篇

念昔揮毫端生涯抵弧矢七齡思卽壯十五富
文史春秋褒貶例隔日搜脂髓佳處領其要靜
求元精理還披鮑謝文氣靡屈賈壘讀書雲閣
觀兩岬崇墉倚吹面受和風滿谷山雲起萬象
萋已碧石暄蕨芽紫黃鳥喧嘉音芹泥隨燕嘴
方春歎荷鋤四鄰出耒耜佇聞粳稻香脆添生
菜美謀拙愧諸昆嘆息謂妻子義方兼有訓持

以比佳士用心霜雪間硯寒金井水燈下照無
睡化離放紅葢青雲動高興拂拭烏皮几矯然
江漢思風雷颯萬里生逢堯舜君老圃永恥爲
得志行所爲浪傳烏鵲喜何事忝簪裾倏忽向
二紀備員竊補袞朝班及暮齒退朝花底散影
靜千官裏顧慚恩思被紫誥鸞回紙揚論展
寸心不意書生耳昔時賢俊人濟時敢愛死恐
辜明主恩淡衷正爲此快意風雨會世人亦

爲爾多病一疎放十年嬰藥餌進德知歷試浮
名尋已已功業竟何如形骸今若是

尋李氏隱居

萬里長江邊宵窈一林麓騫騰訪知己幽居在
空谷谷口樵歌唱遠岸富喬木嵐壁鳥纔過湫
壑松栢禿芝蘭壘璵璠柴扉對麋鹿山雲淅淅
寒負暄候樵牧舍下笋穿壁牀上書連屋戶牖
永可安俯舍頗瀟朴椒實雨新紅崖蜜松花熟

生事不自謀君子慎止足地僻日夕佳忘情任
榮辱招邀屢有期相逢成夜宿叫婦開大瓶共
給酒一斛爛熳倒芳樽未必不爲福

秋江有懷曹子峨詹

之子俊才稀海內文章伯世家遺舊史冠蓋日
雲積學蔚醅儒姿博涉供務隙五雲起九重
鳳池日沉碧慈顏赴北堂寧聞倚門夕講殿
闕書乘鈞方咫尺風流後代希念君惜羽翮愧

非挺生材謬通金閨籍遇我宿心親北斗三更
席意遣樂還笑尚憐詩警策示我百篇文向子
識損益虛懷只愛才顧慚昧所適追隨二十載
相看過半百取笑同學翁鬢毛垂領白交情何
尚新秋燕已如客江上憶詞源回首如不隔

假歸言懷

天寒行旅稀顧步獨鬱鬱捷徑應未忍防身動
如律朝夕高堂念詔許歸蓬葦展轉屢聞鷄

僕夫問盥櫛對食不能餐平明跨驢出洞達寰
區開高峰寒上日松筠起碧潯人煙渺蕭瑟坦
然心神舒事跡無固必吾道竟何之劇談伶埜
逸歸來尋舊谿早通交契密耕稼學山村田父
嗟膠漆亂離朋友盡惆悵難再述重與細論文
爛熳通經術倚門固有望嬌兒不離膝清晨向
小園高聲索果栗應門試小童傍架齊書帙卽
事會賦詩呼兒具紙筆高枕乃吾廬不才甘朽

質長嘯宇宙間滿腹志願畢

庭曉

青嶂插雕梁朝旭射芳甸陽臺曉色分繡幕疑
風燕曠坐延駐目風吹花片片花飛何太急吹
嗟人所羨窮愁豈有寬意氣令誰見賢聖亦同
時各逐萍流轉榮華貴少壯饑寒奴僕賤仰看
八尺軀余髮喜卻變

喜雨

江入度山雲飛雨靄而至農人望歲稔豐苗亦
已穰有井朱夏時朱光澈厚地其氣如焚柴滿
目愁生事罹此農事苦笑爲妻子累百姓日支
離安排求傲吏秋至轉飢寒出郊載酸鼻愁來
遽不禁相見橫涕泗晚歲迫偷生無復青雲志
驕陽化爲霖草敵虛嵐翠南陌旣畱歡蘆酒多
還醉一洗蒼生憂皇天不無意

別離行

寒日出霧遲溪風滿薄帷相近竹參差霜根結
在茲幽偏得自怡高臺面蒼陂花柳更無私楚
雨溼苔滋潤色靜書幃滋蔓匝清池浮舟菡萏
衰輕香酒暫隨狂吟白接羅橫笛未休吹開懷
無愧辭行酒雙透迤殘尊席屢移終慎賓主儀
痛飲真吾師步履過東籬來把菊花枝微笑索
題詩雅望與英姿少有外人知重問子何之棄
我忽若遺志士採紫芝全生或用奇進退固其

宜但取不磷溜恐貽識者嗤自笑青雲期蹭蹬
多拙爲白首颯淒其梳頭滿面絲愁來賦別離
都非少壯時人情老易悲故鄉不可思南國且
黃鸝各在天一涯看雲哭九疑

春仲同唐十翁汪枚階家昆曉山只山訪

張隱君卽席感賦兼以畱別

百草競春華維舟倚前浦窈窕桃李花爛熳爲
雲雨參差谷鳥吟芊芊炯翠羽舉家隱鹿門養

拙蓬爲戶閉戶人高臥自益毛髮古書生道固
殊俊拔爲之主賦詩得秀句清新庾開府交游
颯向盡兄弟分離苦原情類鶴令賞應歌杖杜
艱難懷友朋將老憂貧窶多慚鮑叔知得毋中
夜舞

采石懷古

維天有設險碣石歲崢嶸絕壁無尺土戰地有
黃塵龍虎一吟吼蒼茫鬪將辰捫蘿澁先登萬

馬蕭駢駢何人第一功重重祇報春迴出名臣
上尊榮邁等倫主當風雲會功名圖麒麟去矣
英雄事直筆在史臣遠游臨絕景時過憶松筠
蕭索倚朱樓懷舊益沾巾白也詩無敵號爾謫
仙人在位常清狂自惜有經綸浩歌淚盈把嗜
酒不失真寒月照白骨空山泣鬼神更越西南
頂看松露滴身密幹疊蒼翠一上一回新極目
高崒兀林木心所欣松門耿疎影江潭隱白蘋

往來時屢改鏤骨抱酸辛嘆息腸內熱回首大江濱

石鐘山

西江白谷分崇岡擁象設石壁斷青空地與山
根裂爭長嶻相望顧愷丹青列歛吸領地靈金
吼霜鐘徹風雨聞呼號壯夫思敢決江閣鄰石
面縹緲乘險絕森木亂鳴蟬幽事亦可悅四顧
但茫然益嘆身世拙游目俯大江平生心已折

載筆尚可記還思長者轍

岳陽

風月自清夜畱宿洞庭秋秋色正瀟洒百川日
東流江山如有待今上岳陽樓水淡雲光濶清
暉迴羣鷗浩浩自太古風浪少行舟一雁入高
空哀鳴何所投故人湖外少會心真罕儔旗亭
壯邑屋借問有酒不尊罍臨極浦異香泱泱浮
沉飲聊自遣炯然忘外求人生不再好歡娛恨

白頭層臺俯風渚吾道長悠悠

哭王子厚

王子自愛惜行已能夕惕鳳族無凡毛二十聲
輝赫獨步才超古早年見標格奏對入明光共
通金閨籍詞翰兩如神飛筆鸞聳立飄飄青瑣
郎落落群松直骨鯁絕代無隨肩趨漏刻恩
榮同拜手經濟慚長策痛飲情相親怡然敬父
執嗜酒見天真爛熳任遠適超然歡笑同杯盤

頗狼藉會合苦不久上天爍金石祇令故舊傷
汨下流在席江漢哭君時落帆追風昔慷慨有
餘悲隴草蕭蕭白

旅次得家書

西郊白露初落雁浮寒水冉冉征途間飄飄何
所似天地一丘墟恍然遇知己玉樽移晚興埜
樹歌還倚旅泊吾道窮艱難昧生理反畏消息
來老妻書數紙聚散自暫時遠游長兒子青雲

不可梯秋風亦已起江湖渺霽天漸知秋實美
身世白駒催雲雷屯不已丈夫重天機尅復誠
如此

江亭獨坐

大江東流去衡岳啼猿裏雲長出斷山涼風動
萬里沉吟坐秋軒鈎簾宿鷺起波濤未足畏順
浪翻堪倚是身如浮雲懶心似江水形骸改昏
旦以茲悟生理獨在天一隅揮洒亦莫比君看

磊落士豈待一知已

虎丘

輕舟下吳會南瞻控百越緬懷邈舊丘回首虎
崖石盡日窮壯觀豈異神仙宅劍池石壁仄巉
絕華岳赤復見秀骨清冰壺動瑤碧臺榭爭峒
亭淫祀自古昔招提憑高岡東南兩岸坼出入
朱門家清俊流輩伯冉冉自趨競競將明媚色
佳人滿近船鳴櫓各有適風生錦繡香歛衽就

行役雲鬢儼分行近身見損益茲山亦淡登用
盡閨中力始覺所歷高兒扶猶杖策好鳥鳴巖
高日色傍阡陌松林駐遠情埜多青青麥姑蘇
落海邊惟餘舊臺栢荒哉割據心我行得遺跡
高視見霸王英靈如過隙萬古一長嗟不但時
人惜歌長擊樽破樂極傷頭白常時往還人黃
金且休擲

邵戒三招同顧且菴泛舟西湖

鑑湖五月涼萋萋露草碧鷗鳥鏡裏來對此欲
何適臺亭隨高下秋水通溝洫波濤亂遠峯安
可限南北今知第五橋春時好顏色磊落映時
賢風騷共摧激翰林名有素才大今詩伯憲府
舊乘驄廟謀蓄長策閉藏修麟螭美名人不及
用舍在所尋未敢思宿昔平地一川穩放浪陶
彭澤狂歌托聖朝山居精典籍身尊道何高
使我潛動魄猶思理燠艇披霧初歡夕湖邊意

緒多正宜且聚集淺把涓涓酒撥煩去冰釋情
忘發興奇不知有主客後會何緣由愛生終自
惜

潭州道中

曉行湘水春春岸桃花水茫然阮籍途紫驪隨
劍几勞勞共乾坤關塞三千里放神八極外問
俗人情似寒城朝燠淡農事空山裏耕鑿安時
論復見陶唐理風俗盡還淳萬方頻送喜南岳

據江湖楚材擇杞梓不敢強爲容束縛酬知己
長沙舟中憶唐魏子郭幼瑰

昨夜舟天接江流夙霧中遙空秋雁滅木落更
添風北風吹爽氣歡娛到薄躬快意貴目前獨
帆如飛鴻天寒瀟湘素青熒雪嶺東自失論文
友何人高義同夜醉長沙酒題詩蠟炬紅天水
相與永焉知清興終

開福水閣同家昆季言懷

別浦雁賓秋秋水漫湘竹朱甍半光炯層城填
華屋城上俯江郊洞庭猶在目湖光與天遠萬
頃浸地軸落景惜登臨唱和作威福詩接謝宣
城把文驚小陸薄采世上名形骸實土木行邁
越瀟湘欲向桃源宿出處遂何心登危聚麋鹿
服食寄真搜白露黃梁熟庶遂平生遊采藥山
北谷

贈介菴禪師

積陰帶奔濤，寒裳蹈寒雨。橋斷却尋溪，苔蘚山門古。松栢瞻虛殿，山僧衣藍縷。回看不住心，風過齊萬弩。

南樓期潘鍊師不至，因同諸子過訪其廬。南樓縱目，初風號聞，虎豹俛視，大江奔洪濤。隱語笑，矯首望八荒，長影沒窈窕。雲輕處處山，山寒青兕叫。落日未逢人，何其掛懷抱。騎馬入青苔，苔竹素所好。丹砂訪葛洪，蓬萊如可到。文物

多師古，潘陸應同調。交情列友于，清詩近道要。讀書秋樹根，暗飛螢自照。日夜偶瑤琴，竹齋燒藥竈。攜酒重相看，百年不敢料。

李蔚聞招同周令公陶五嶽諸子雅集

歇馬高林間，徑危抱寒石。落落見異人，新作湖邊宅。羅列瀟湘姿，叢篁低地碧。碧色動柴門，寒天畱遠客。且隨諸彥集，短褐風霜入。骨立熱中腸，佳士欣相識。筆落驚風雨，令我心悅懌。揮翰

綺繡揚驚費羲之墨說詩能累夜愚意會所適
交期余潦倒它鄉復行役路難思共濟髮少何
勞白壯士耻爲儒詞賦工無益爛醉是生涯殘
杯與冷炙人生無賢愚天地有順逆相勸酒開
顏蕭瑟洒秋色

憶遊

雲嶠憶春臨謝氏尋山屐燕子逐檣烏節序昨
夜隔旣雨晴且佳冉冉柳枝碧窈窕入風磴感

嘆向絕跡峻岨復萬尋逕隱千重石岸絕兩壁
對如覺天地窄一覽衆山小雲霄今已逼蒼濤
鬱飛翻群鳥自朝夕有谷杉漆稠荒林無逕入
埜寺垂楊裏晨鐘雲外溼柴門永不關晚景孤
村僻隴月向人圓捲簾獨照客空醉山翁酒客
子念故宅老去若飄蓬書此豁平昔

郊外

鞍馬出孤城連山四望斷秋埜日荒蕪萬頃平

可按溪邊四五家人遠
鳧鴨亂尚念四松小杏
冥入雲漢桂楫帶酣歌
歌罷仰天嘆

懷園集杜詩卷之一終

懷園集杜詩卷之二

南楚車萬育著

五言古

送劉侍御入朝

磊落星月高沙岸
風吹葉回首望兩崖
篙師暗理楫開帆
八月舟因君問消息
心迹喜雙清出處各努力
結交皆老蒼
鵬途仍奮翮
雅節在周防
朗鑒存愚直
才名三十年
我丈時英特
霜鵲

不空拳臺中領舉劾君行佐紀綱萬里有古色
聯步趨 丹陛北宸徵事業重得故人書慰我
淡相憶今日醉弦歌歌罷兩淒惻

訪迸泉居士

日出埜船開起行視天宇傾陽逐露葵常懷報
明主何處且依仁輟棹清風浦卜宅近前峰蓬蒿
翳環堵前江後山根幾道泉澆圃疎花披素艷
弱蒸舒翠縷山籬帶白雲筆架霑窗雨賦詩賓

客間雄筆映千古白月當空虛解衣開北戶洒
落辭幽人定知淡意苦

寫懷

皦皦幽曠心大哉乾坤內寒城菊白花萬方氣
一概吟詩坐回首豪俊人誰在磊落字百行詞
章傾後輩生別古所嗟久客不無淚遲遲歸路
賒誰云行不逮濁醪有妙理人情見分類三日
一共筵羣公蒼玉佩衰謝身何補貌赤愧相對

還同賓客歡常時任顯晦醉操雲嶠箴脫身無
所愛形骸痛飲中無復能拘礙

東劉掌科

鷓鴣在秋天絢爛新羽翮威鳳高其翔青瑣陪
雙入雄畧動如神四座皆辟易不才名位晚惆
悵年半百終身荷 聖恩浩蕩無與適回首想
朝班我嘆黑頭白羨君齒髮新高名入竹帛
春日喜晤吳中山于漢陽時有白下之游

卽以送別

層城臨媚景見賢心匪它披顏爭倩倩望雲悲
輒軻文章日自負胆力爾誰過霍下雲汀近天
門鬱嵒峩開帆駕洪濤因風想玉珂此行旣特
達猶足見時和樽前江漢濶清光應更多白日
照執袂極目總無波離筵罷多酒落日將如何
冬夜示兒子晉升豐賁二首
行邁有期程征夫不遑息志士惜白日遲暮身

何得前聖畏後生賢者貴爲德識字要心苦書
卷忘寢食日暮拾流螢誰並百代則身貴不足
論丈夫誓許國且如今年冬倉廩慰飄蓬不是
無膏火長夜始堪終檢書燒燭短初看浴日紅
追琢山岳銳安可辭固窮時來展才力能無分
寸功

其二

往者十四五棲遑分半菽實惟親第昆琴書散

明燭十載老墳典耕田秋雨足汝曹催我老飛
電常在目感激時將晚此身仗兒僕由來積德
門麒麟帶好兒物情有報復賢愚誠等差勸郎
勤六經氣酣達所爲寒天催日短流年壯士悲
佇鳴南岳鳳光芒刷羽儀

寄示銓彝諸姪補旃姪孫

嗣宗諸子姪態與駑駘異流傳必絕倫注水出
騏驥螢光懸日月名高前後事悠悠見汝曹何

當擺俗累係愛金石堅
慘淡苦士志卽事須嘗
胆俊傑思自致應念早升堂
大屋加塗墍宗族
忍相遺義均骨月地家聲
與令聞凡百慎失墜

漫興

城府開清旭秋風病欲蘇
所歷厭機巧徒步覺
自娛歎遶虛齋徑沽酒攜葫蘆
更上林北岡松
門似画图常怪丹楓老未覺
栝柏枯此生隨萬
物實有醉如愚

得得園納涼

大江動我前早霞隨類影
岸轉異江湖遠色有
諸嶺雨洒石壁來爽合風襟靜
千畦碧泉亂幽
歎移佳境開軒納微涼
秋風楚竹冷霜露在草
根鳴蜩隨泛梗朗詠六公篇
篇終語清省蘊真
協所遇接要心已領高枕形
神清斯人亦何幸
蒼生起謝安未遑等箕顛

春日游吐秀巖同家昆季畱宿田家渡

乾坤萬里內千巖自崩奔江樹城孤遠川平對
石門蕭蕭白楊路寒水各依痕山陰一茅宇結
廬依毀垣日出籬東水鶯歌暖正繁夙擁文侯
篲炙背近牆暄蘊藉異時輩常荷地主恩雖有
會心侶而無車馬喧相逢半新故相遇卽諸昆
經綸出新語同姓古所敦行雲星隱現月掛客
愁邨滿目一凄惻萬感集清尊白髮寐常早青
山隔故園衰顏聊自哂聲出已復吞萍泛無休

日遙憐湘水魂歲月不我與懷古意空存此生
任春草庶與達者論

山中吟

始來此山中誅茅初一畝天邊今轉蓬歲月亦
已久小兒成老翁人人傷白首氣和動昭融維
南將獻壽南江遶舍東埜亭當北斗清旭散錦
幪朝光入甕牖花發去年叢紅蘚終日有游山
憶謝公性豪業嗜酒離別重相逢開顏俯高柳

華館闢秋風夜雨剪春韭時放倚梧桐汎愛情
衰朽名因賦頌雄文傳天下口祇應吾道窮客
淚迸林藪局促傷樊籠沉綿疲井臼雀噪晚愁
空寂寥人散後晴雪落長松青冥亦自守談笑
偶然同未覺村塾醜

飲陶處士齋

日出清江望高臥想儀刑亂後今相見依舊竹
林青天邊長作客乾坤一草亭雨晴山不改風

松肅泠泠高齋坐林杪羣公若會星處士節獨
苦見道發新硎浮生有定分祇看座右銘玉露
團清影醉舞爲誰醒敢爲蘇門嘯庶幾知者聽
客村遣懷兼寄唐羽先陳百是

崢嶸赤雲西共誰論昔事浩蕩報恩殊顏色少
穠遂周道日維新銷兵鑄農器所務穀爲本衍
佛見滯穗覽物想故園感時花濺泪爲客費多
年親朋無一字出門日已遠傳聲看驛使離恨

兼相仍天寒不成寐秋邊一雁聲聞此寬相憶
風雲若有期及茲煩見示

得得園同家昆曉山只山限韻

春臺引細風日腳下平地敞豁當清川江渚翻
鷗戲雙影漫飄飄飛鳴還接翅草堂亂元圃策
杖門闌邃養拙異考槃勤勉防縱恣野涼侵閉
戶隔沼連香芰花邊行自遲稠疊多幽事夜淡
坐南軒渙然立新意含笑看吳鈞百年渾得醉

無以洗心胸世情只益睡庶幾憇息歡蕭疎外
聲利男兒生世間奈何迫物累

送人還白雲

百年雙白髻生涯能幾何治生且耕鑿今日復
悲歌君行雖不遠送子山之阿盛論巖中趣如
今花正多萬物附本性亦恐歲蹉跎

得吳茂孫固原書

荆南近得書飛傳自河隴絕域誰慰懷開卷風

濤湧憐君吏隱兼
郎官未爲冗沾洒
裏新詩綺麗元暉
擁知余懶是真遠
愧梁江總丈夫多
英雄君看渥洼種

夜宿余田

銀河倒列星花拱
載霄漢丹梯庶可
陵雲門轉絕岸塞
雁一行鳴百年秋
欲半黃落驚山樹
攬轡復三嘆開顏
喜名賢主人情爛
熳自爲摘佳蔬精
鑿傳白粲雨聲先
已風翻倒芰荷亂
幽人

未遣懷辜負滄洲願

衡陽道中遇故友畱宿其家

駐馬望千門惜哉形勝地
但見西嶺青低昂各有
意林花落又開榮枯咫尺
異輕雲倚細根鳥雀依
茆茨每日報平安種竹
交加翠娟娟花蕊紅春
濃停埜騎良友昔相於
游子久不至天涯故人
少相對如夢寐三車
冑載書爾腹爲篋笥
兒童惠討論載聞大易
義更覺片心降白首不

相棄琳瑯照一門成長何容易天意颯風颯騫
騰坐可致

答孫樹菴

揚鑣隨日馭鵬鶚離風塵早克觀國賓美名光
史臣出游翰墨塲詹字真天人新文生沈謝褚
公書絕倫草書何太古張芝更後身 聖情常
有眷聽履上星辰知君重豪素才力老益神夙
承推獎分孤陋忝末親天際傷愁別三移斗柄

春情親見君意書扎到天垠願往長安日叙舊
思重陳喜心翻倒極別顏始一伸

懷園自遣

乾坤一腐儒杖藜風塵際舉頭向蒼天局促老
一世清曠喜荆扉浩蕩想幽薊由來原憲貧絺
衣掛蘿薜飄零爲客久寧免黑貂敝未肯羨輕
肥不勞朱戶閉飽食復何心草草頻卒歲

古梅禪師從芙蓉來游金陵喜贈

余時游名山山風吹游子遠謁雲端僧雲薄翠
微寺水流心不競猿鳥聚儔侶質朴古人風漠
漠虛無裏門求七祖禪葉落春風起布地有黃
金飛錫何來此杯渡不驚鷗諸天必歡喜福地
語真傳傾側天下耳

喜陳百是來白下信宿懷園

恨別滿江鄉萬里衡陽雁漠漠秋風低星霜元
鳥變小園背高岡白日遞隱現良覲渺無因江

雲飄素練落月滿屋梁孤光隱顧盼吟詩正憶
渠天涯且相見佳此志氣遠秀發吾所羨聰明
達所爲才美膺推薦心事披寫間遠客驚浹眷
沾酒不復疑囊虛把釵釧絕倒爲驚呼徐榻不
知倦

曹實菴見訪有贈時官江左

濟南名士多子建文章壯烜赫舊家聲佩刀成
氣象飛騰知有策長風駕高浪盛才冠巖廊氣

敵萬人將詩義早知名秀色固異狀利物發新
硯望極春城上謳歌德義豐宿雨南江漲江上
憶君時清絕心有向此道誰疵瑕我生苦飄蕩
客身逢故舊緩步移斑杖懷抱罄所宣看雲莫
悵望

寄胡存人時以病乞休

高標跨蒼穹停驂雙闕早掌節鎮非常仰羨
鶴雀矯秉心識本原氣冲星象表清高金莖露

氛埃期必掃江南日色曛寒魚依密藻惠遠德
過人風俗方再造不道棟梁材脫身事幽討家
聲氣宇存鳳穴雛皆好兼全寵辱身范蠡扁舟
小功名造化鑪我衰不足道作客信乾坤親知
天畔少幾年一會面心胸已傾倒論才愧杞楠
茅齋付秋草殊方此日歡呼兒具梨棗徐步視
小園開顏憩亭沼唱和將詞曲力疾坐清曉日
夜倒芳樽盡醉抒懷抱與子姻婭間卜宅從茲

老

懷園四首

春光日自濃雜花分戶映霏霏紅素輕雲霞歛
奔命草碧水通池池水觀爲政渚秀蘆笋綠明
涵客衣淨嬌燕入簷迴隔巢黃鳥並清旦步北
林仰慚林花盛柳臥自生枝濁酒尋陶令無富
貴亦足醜醜長發性計拙無衣食吾老甘貧病
書從穉子擎卑娶何時竟

其二

四月熟黃梅老樹空庭得千章夏木清長林偃
風色風門颯踏開夏日出東北荷芰逐花低暑
雨畱蒸溼永日不可暮赤霄有真骨低垂氣不
蘇恨無抱甕力辨眼工小字臨池真盡墨夜宿
敞雲樓天河元白白

其三

洒落惟清秋好靜心迹素天涯正寂寥游子慎

馳驚茫茫何所關
它鄉閱遲暮爲客無時了
多爲才名悞幽色幸秀發
洞門盡徐步雙崖壯此
門木石廼無數日暮還
灌畦野圃泉自注雲逐
度溪風細蕩林影趣歸
林鳥卻迴故遠池邊樹
書籤映隙曛詞人取佳
句白首望霜天月明垂
葉露

其四

歲暮遠爲客寂寞書齋裏
風磴吹陰雪轆轤凍

階屺方冬變所爲臘破思
端綺歸休寒色淡敝
裘蘇季子引客看掃除
呼童對經始細泉兼輕
冰明年下春水椒盤已
頌花几杖將衰齒追歡
筋力異怨已獨在此

石城曉發

石城除擊柝四更山吐月
星河落曉山帆浦晨
初發去帆春色隨佳氣
向金闕心肝奉至
尊歸朝日簪笏暮顏靨
青鏡飄蕭將素髮不辭

辛苦行恐爲塵埃沒斟酌旅情孤獨耻事干謁

過萊蕪贈別李肖巖內兄

春淡泰山秀秀氣衝星斗遙連滄海高逆行雜
林藪齊魯青未了行路難何有恐是潘安縣村
邨白花柳復覩耕桑民陰色盡隴畝李侯金閨
彥蘊藉爲郎久塵滿萊蕪甑子雲清自守文翁
儒化成皆已傳衆口書來數喚吾拾遺能住否
常在羈旅中少逢舊親友別離已五年怡然共

攜手晤語契淡心自卯將及酉新歡繼明燭坐
開桑落酒親情獨有君真氣蒸戶牖相視髮浩
白白覺成老醜飄然去此都恐作窮途叟秋來
把雁書毋使長回首

懷園集杜詩卷之二 終

卷一

懷園集杜詩卷之三

南楚車萬育著

七言古

巖存菴過維揚飲汪蛟門百尺閣戲爲短
歌送之

不見故人十餘年春渚日落夢相牽憶君誦詩
神凜然百花高樓更可憐橫笛短簫悲遠天銜
盃樂聖彌避賢不放香醪如蜜甜曉來急雨春

風顛糝徑揚花鋪白氍送爾維舟惜此筵

丁泰階先生新修岳麓書院成聚徒講學

奉陪宴集兼以志別

玉泉之南麓山殊中有高堂天下無千岬無人
萬壑靜西北樓成雄楚都碧瓦朱甍照城郭龍
鱗犀甲相錯落山木蒼蒼落日曛南望青松架
短壑知君才是濟川功號令頗有前賢風院中
萬物生顏色意匠慘澹經營中卽事非今亦非

古各使蒼生有環堵洛陽大道時再清更覺良
工心獨苦 天子亦念西南隅拾遺曾奏數行
書諸生頗盡新知樂年少今開萬卷餘山中儒
生舊相識扶持自是神明力迺知變化不可窮
此日此時人共得况復荊州賞更新不薄今人
愛古人歌詞自作風格老雖未成龍亦有神以
茲報 主寸 赤心口脂面藥隨恩澤感君意氣無
所惜罷酒酣歌拓金戟人生會合不可常楚客

惟聽棹相將濯足洞庭望八荒賢聲此去有輝
光雲斷岳連臨大路對此興與精靈聚丈夫垂
名動萬年世人那得知其故

白雲巖

憶昔北尋小有洞布穀處處催春種風燈照夜
欲三更群書萬卷常暗誦杖藜雪後臨丹壑異
獸如飛星宿落仙家犬吠白雲間龐眉皓首無
住著惜君只欲苦死畱昏黑應須到上頭藍水

遠從千澗落下顧城郭消我憂泉源泠泠雜猿
狝林猿爲我啼清晝熊羆欲蝥龍蛇淡高車駟
馬帶傾覆我曹已到肩相齊傍見北斗向江低
江村野塘爭入眼霜黃碧梧白雀棲元圃滄洲
莽空濶絕壁長松起天末洞門對雪常陰陰纍
纍埽阜藏奔突諸僧尚乞齋時飯金鐙下山紅
日晚石古細路行人稀顧視清高氣淡穩暮倚
高樓對雪峰山木盡亞洪濤風不須聞此意慘

愴更調鞍馬狂歡賞

顧常寧懿超四十舉子歌以志喜

卿家兄弟功名震久存膠漆應難並爲政風流
今在茲經濟實藉英雄姿明月無瑕豈容易松
醪酒熟旁看醉此時驪龍亦吐珠龍種自與常
人殊孔子釋氏親抱送香葉終經宿鸞鳳積善
衮衮生公侯不減昔時陳太丘富貴應須致身
早華軒藹藹他年到君不見東吳顧文學炯如

一段清冰出萬壑自得隋珠竟夜明不覺前賢
畏後生滿堂動色嗟神妙巡簷索共梅花笑時

小至前三日

長沙行張元戎席間同王先生作

張公一生江海客自倚紅顏能騎射孩虎埜芊
俱辟易扶病相識長沙驛是日霜風凍七澤秋
水纔淡四五尺寒輕市上山烟碧西望千山萬
山赤青葢重陽不堪摘且遇王生慰疇昔歎彼

幽棲載典籍滔滔才畧滄溟窄每語見許文章
伯憑陵大叫呼五白自怪一日聲輝赫出門轉
盼已陳迹

江上逢故人

江風蕭蕭雲拂地蒼茫不曉神靈意彷彿蹴踏
寒山空滿空星河光破碎此身飄泊苦西東冥
冥孤高多烈風多病馬卿無日起號啼畧與嬰
兒同亂後故人雙別泪飄飄遠自流沙至入門

依舊四壁空焉得鑄甲作農器一老猶鳴日暮
鐘故人相見未從容已忍伶俚十年事君今幸
未成老翁胡爲見羈虞羅中滅跡于君山湖上
之青峯

晚泊采石同岳翁止亭登翠螺頂

船舷暝憂雲際寺光芒六合無泥滓赤日照曜
從西來雲白山青萬餘里嗚呼五歌兮歌正長
託身白雲還故鄉指點虛無引歸路無處告訴

只顛狂古廟杉松巢水雀注目寒江倚山閣松
根胡僧憇寂寞林花著雨胭脂落一生喜怒常
任真世上未有如公貧少年膂力縱談笑恐與
齊梁作後塵再窺松柏路恣意同遠步策杖廻
且暮歸雲擁樹失山村乘興遣画滄洲趣

高樓放歌

獨立縹緲之飛樓高擁木石當清秋萬壑東逝
無停畱南有龍兮在山湫不廢江河萬古流滿

堂賓客皆回頭若爲看去亂鄉愁將老已釋子
孫憂主人爲卜林塘幽長歌短詠還相酬戲拈
秃筆掃驂驪一軀交態同悠悠對君疑是泛虛
舟

君不見

君不見金粟堆前松柏裏豐草青青寒不死哀
壑杈枒浩呼洶天下何曾有山水高秋爽氣相
鮮新誅茅卜居總爲此諸峰羅立似兒孫咫尺

應須論萬里岑參兄弟皆好奇攬環結佩相終
始海雀堦前鳴向人郭南抱甕亦隱几直道無
憂行路難魑魅魍魎徒爲耳君臣已與時際會
吾獨胡爲在泥滓飄泊西南天地間歲暮窮陰
耿未已少壯幾時柰老何青眼高歌望吾子

對客書懷有贈

一辭故國十經秋歲云暮矣增離憂中夜起坐
萬感集聽曲低昂如有求卽今倏忽已五十鬢

髮還應雪滿頭春來准擬開懷久許坐層軒數
散愁隨風照日宜輕舉遠害朝看麋鹿游峰巒
窈窕溪谷黑古木龍嵒枝相樛萬草千花動凝
碧琴瑟几杖柴門幽澗山窮谷不可處老夫乘
興欲東流清江碧石傷心麗錦纜牙檣起白鷗
主人送客何所作東山高頂羅珍羞清香異味
情屢極蛟龍動篋盤銀鈎酒闌插劍肝胆露一
辱泥途遂晚收感時鬱鬱匡君畧各位豈肯卑

微休且看欲盡花經眼焉知李廣未封侯

松栢行寄壽唐欽翁

萬里橋西一草堂日滿樓前江霧黃中有松栢
參天長卓立天骨森開張天地爲之久低昂秋
風此日洒衣裳青楓葉赤天雨霜三歎聚散臨
重陽籬邊埜外多衆芳正想氤氲滿眼香南極
老人應壽昌安得送我置汝傍行酒賦詩殊未
央

簡寄蔣字臣孔阜

秋風歛吸吹南國時獨看雲泪橫臆老大徒傷
未拂衣去住彼此無消息同心不減骨肉親相
許寧論兩相值侷儻權奇難具論鳳臆龍髻未
易識途窮反遭俗眼白行路難行澁如棘吾聞
良驥老始成暫蹶霜蹄未爲失幾時高議排金
門于我見子真顏色峩然脊骨皆爾曹蒼天變
化誰料得雨聲颼颼催早寒方冬合沓元陰塞

山意衝寒欲放梅人生歡會豈有極

道林院老道士

道林林壑靜盤紆邂逅豈卽非良圖手持白羽
未敢釋腰下寶玦青珊瑚元猿口禁不能嘯獻
花何日許門徒猛風中夜飛白屋空山何以慰
幽獨向來皓首驚萬人素書一月凡一束東流
之外西日微悵望聊歌紫芝曲

其二

青山萬里靜散地鵬礙九天須却避昨日今日
皆天風咫尺但愁雷雨至白頭老罷舞復歌聽
猿實下三聲淚常思仙仗逐崆峒未就丹砂愧
葛洪虛名但蒙寒暄問正直元因造化功長年
三老遙憐汝何恨憔悴在山中

懷園卽事兼寄家昆曉山只山

春日鶯啼修竹裏慣看賓客兒童喜吾與汝曹
俱眼明未怪及時少年子玳筵急管曲復終點

綴桃花舒小紅好事就之爲攜酒放筓未覺金
盤空喧呼且覆杯中綠仰視皇天白日速時來
不得誇身強人生快意多所辱吾兄睡穩方舒
膝長生木瓢示真率氣酣日落西風來我獨覺
子神克寔雲物不殊鄉國異安得如鳥有羽翅
十年不見來何時念我能書數字至願逢顏色
關塞遠獨當省署開文苑人世悲歡斃相遣君
不見空牆日色晚

同王澹石胡璞崖諸子泛舟桃葉渡

江橋春聚船無處覓張騫傳語桃源客朱樓白
水邊落花游絲白日靜正是江南好風景男穀
女絲行復歌至老雙鬟只垂頸回舟客坐時輕
風生浪遲落帆追風昔有情且賦詩酒債尋常
行處有春興不知凡幾首仙侶同舟晚更移舊
來好事今能否人生有情泪沾臆臨江把臂難
再得復攜美人登綵舟王生早曾拜顏色春日

兼蒙暄暖扶馮夷擊鼓群龍趨吾徒胡爲縱此
樂更長燭明不可孤男兒生無所成頭皓白爲
覓酒家鑪洗滌煩熱足以寧君軀

春日李君見過

倚江栴樹草堂前門泊東吳萬里船清夜沉沉
動春酌高談雄辨驚四筵稚子無憂走風雨握
髮呼兒延入戶濟世宜引英傑人萬歲千秋奉
明主且脫劍佩休徘徊願吹埜水添金盃 朝廷

袞職雖多預儒術于我何有哉

壽王母 夫人七十

西望瑤池降王母茗飲蔗漿攜所有人生七十
古來稀始覺屏幃生光輝庭前把燭驚兩炬比
屋豪華固難數公子華筵勢最高池上於今有
鳳毛赤縣官曹擁材傑川合東西瞻使節王孫
許保千金軀綵服日向庭闈趨四座賓客色不
動奇祥異瑞爭來送金章紫綬照青春起居八

座太夫人

送王巢西官詹州

車麟麟馬蕭蕭喧喧道路多歌謠
朝廷記識蒙祿秩二三豪傑爲時出使君意氣凌青霄三
峽星河影動搖本州從事知名久邦人思之比
父母尚看王生抱此懷安危須仗出羣材錦江
春色來天地功成惠養隨所致大賢爲政卽多
聞鷲鳥舉翮連青雲古來賢達士驂驪事天

子仗鉞褰帷瞻具美

鄧孝子

明公壯年值時危風妒紅花却倒吹死爲星辰
終不滅冷猿秋雁不勝悲可憐爲人好心事古
往今來皆涕洟孝子忠臣後代看濁河中不污
清濟

卷之四
忠臣
忠臣之節
忠臣之志
忠臣之氣
忠臣之節
忠臣之志
忠臣之氣
忠臣之節
忠臣之志
忠臣之氣



